

雪

門

詩

草

上元初集叙

攷唐人集有以中興問氣名者茲值大難削平重離燭
耀賢哲在位百度維新誠中興景運時矣顧不以中興
名而名以上元何哉深惟 本朝鼎祚繼繼繩繩於千
萬年不懈有怠於緝熙以篤丕基傳則累葉政治則依
然開國之初無所謂廢也胡有所謂興夫先天而天不
違後天而奉天時彼蒼若特開盛會以相符應焉詩曰
宜民宜人受祿于天保佑命之自天申之申之云者謂
孔厚孔臧前膺寶命再隆渥眷也卽上元意也或曰上

雪門詩草

卷七

上元初集序

元以天數言天數果有憑乎古者聖君賢相憂勤惕勵奮發圖功不敢倚天自恃故虞書言天視民視天聽民聽夏書言天難諶命靡常至商王受自稱有命在天祖伊謂其乃罪多參在上乃能責命于天不自責而責天天數其果足憑乎不知舊邦新命文王之詩詠之矣至大明之昭事聿求皇矣之監觀西顧則又皆以天言也蓋典謨乃君臣交儆之心故其辭多危多懼雅頌則頌德歌功之作且又皆其子孫臣庶追述其祖宗受命之由故往往探源於天見冥穆中自有主宰也 本朝以

甲申歲入關至康熙廿三年甲子上元之會而三藩之
餘孽始平橐弓戢矢四海乂安盛矣然定鼎四十年乃
克臻此非文謨武烈前此尚有未至也孟子云雖有智
慧不如乘勢雖有鐵基不如待時時也者天所以待聖
人而亦聖人之所待也今自道光庚戌以來戎機不順
旋振旋蹶有若嚴冬冰結沸湯澆之不釋利斧鑿之不
開懷杞憂者幾疑人力無能爲役矣乃自歲入甲子宇
宙之景象如春日載陽而羣陰自化枯槁回蘇蒸蒸日上
上無戰不捷無功不克若有不期而然者乃知攀龍附

鳳整頓乾坤工部所謂爾曹蒙帝力不得誇身強者豈
非天哉豈非天哉略因斯集命名推擴言之以見詩聞
國政亦見天心焉爾

同治十有二年歲在癸酉季冬之月道銜嘉興府知府
善化許瑤光自叙

雪門詩草卷七

上元初集

善化許瑤光雪門甫著

甲子年

越州新春

東浦新筇酒入尊。衣冠重整古風存。雪消蘭渚暖生水。
日上蓬山春到門。運際上元開景祚。民經散亂感君恩。
慙余未屬中興頌。賀盛笙歌已滿村。

赴西谿大營遇雪

時左帥扎營西谿攻餘杭以斷杭州之援應

積雪尚○未○化○紛○紛○雪○更○多○西○谿○無○數○竹○橫○亞○路○難○過○輾

轉運軍米艱難將士駝杭州猶未下敢詠載塗歌

江上雪霽

江天看霽雪獨立不知寒
乾坤洗皎潔萬里一金丸
孤松爾何傲挺挺青雲端
陽微凍未解羣山息鳴湍
願留清白景愜我心性歡

聞江西有警

傳聞信水足防兵底事獅
江又賊營彭澤春回蛟欲起
宣州雪踏馬無聲已通鄉路
愁還梗半定河山豈再傾
狼火夜紅偵騎報一時諸將閉名城

贈顧澹如農部

澹如名菊生家居廣豐在戶部爭事曾忤權貴
避歸省親旋起還職茲來浙水從外請也時

廷旨減蘇杭額賦而浙東徭役亦重奉檄別獎
由西谿營同赴越州民依有託握手交歡贈此

平生鯁直藐權奸。掉首翛然信上山。纔爲新朝還舊
職。竭來戎幙軫民艱。西谿闢壘寒梅繞。東海看潮暮鳥
閑。昨報鄉關忽烽警。高堂繫念髦毛斑。
又渡錢江暮雪舟。東風吹冷鷓鴣裘。減租詔正蘇杭

下別獎君爲越地游國計躊躇添夜話家山搖蕩起春
愁能紓民氣銷兵氣寰海應看奠玉甌

重修越州試院落成紀事

山藏玉簡海藏珠越國人文駕九區竹箭早年歸貢品
金甌昨日洗兵符中興河嶽靈應毓出使星曹節已趨
廣拓萬間留庇蔭榷楠知是楚材無
書升論秀敞名場從此能觀上國光休倚科名生傲慢
好將忠孝入文章風留虞夏典謨古學到王劉冊籍香
此日羣賢欣畢至蓬山餘地許徜徉

二月十八日提督程學啟

方忠

方伯劉仲良

秉璋

率蘇省兵克復嘉興

水沸鴛湖已四年。東風澄澈忽青天。成功將讓臨淮老。
敵愾兵原隔省聯。二月鶯花馳捷騎。一樓煙雨擁歸船。
卽看檣李重收貢。更播嘉禾徧種田。

二月

庭畔花香放水仙。江頭波碧賣鰻鮮。東風催促重裘換。
又是蠡城二月天。鰻鮮二月間出山陰三江
開纖細如線亦稱鰻線

杭州春暮

十年復杭州城中白骨多今年無白骨風雨久消磨寂寂西湖道青青六橋草黃昏對魂啼又是春將老

二月二十日官軍克復杭州誌感

昔者一年陷全浙今者三年恢臨安紅旂但報捷書喜那知轉戰多艱難轉戰士固苦戰久民更殘試登吳山高處望細雨春風破屋寒已分無今日那敢懷舊歡東園斷機杼南關冷水盤九百餘年舊都會自吳越至今雖冲更兵燹未有如此天翻地覆生波瀾雞犬絕矣更誰活惟有薇署池中老蘓猶盤跚借問當時食絕危城日浮萍撈盡

爾。龍。何。以。餐。芭蕉每葉價五寸錢浮萍輕重如之

桐廬弟子葉蓉渠至越

亂定家全破。相尋到越州。干戈師弟在。江海往來愁。柳絮頻年路。桐花舊日洲。春風余亦老。那問讀書不。

越城送春

花○落○蓬○山○鶯○懶○飛○草○長○鏡○水○蝶○還○稀○頻○年○海○角○春○常○送○此○日○天○涯○客○未○歸○且○啖○櫻○桃○嘗○旅○味○怕○攀○楊○柳○惹○征○衣○湘○江○手○種○茶○藤○樹○餞○爾○東○風○好○與○依○

將赴嘉興周益齋舍人孫瘦梅太守魯晴軒農部

莫意樓司馬餞行柯山遂遊石佛寺七星巖紀

事

四月初五日

春殘越地麥光綠。行人將赴鴛湖曲。三四良朋爲餞行。
贊舟沽酒柯山麓。柯山石佛笑人忙。輕風吹墮天花香。
浙浙古溜洗苔壁。撲撲野鳥巢雕梁。老僧諷經不迎客。
木魚聲動浮雲蒼。雲蒸微雨石路滑。周君年高船上歇。
冒雨尋幽我輩狂。更入星巖覓仙窟。深潭水碧疑潛蛟。
古亭松偃招飛鶴。翠篠紅藤上下帷。旁露石筍如插笏。
煙中梅尉肆遨遊。露下柳姑來髣髴。阿誰著棋愛此居。

不問春花與秋月。大字摩崖作芝形。文人自古繞仙骨。
流連日暮不忍歸。肯把韶華付飄忽。况復兵火蘭亭墟。
臨安久矣荒西湖。嘉興城郭亦初復。未知煙雨樓在無。
今日山川留勝境。同君飽醉紅醞酬。還卅西鄙市燈碧。
晚風颯颯吹青蒲。

越州事竣奉檄守禾章梓良觀。嘗以詩贈行。答此
依依我愛稽山雲。悠悠我戀鏡湖水。越國風光劇可憐。
况復天涯別。知己買酒論文興。正狂黃梅雨裏渡錢塘。
思君回首蓬萊樹。綠霧迷離東海長。

偶感

吳人不善戰。申公始教之。楚廣究何肇。熊繹周文師。王
化開江漢。甲冑象明離。明離以文耀。藐彼孫武奇。儒將
膺。佐命禮樂消瘡痍。大角伴軫宿。長沙君應知。
乾坤鍾間氣。奇人擅先舉。拔茅連彙茹。幾欲分疆圉。當
年白蓮擾。蜀人侮初禦。餘波數十年。流行江源巨。及茲
粵寇興。湘中饒義旅。衡岳風雲多。彌綸滿江渚。昨者蘇
州收勲業。臨淮叙健兒。爭地靈。醉後揮拳語。眇域起齟
齟。兩虎同穴處。天下本一家。何分淮與楚。

由杭赴嘉書途中所見時湖州尚未克復

四月二十八日

我自杭州到禾郡沿塘二百餘里無人家但見石壘我
我據關隘青蘆碧艾相蒙遮剡墳經雨崩露穴骸骨浸
水橫臥沙寂寞扁舟無泊處悲風颯颯海日斜五湖浮
雲作奇陣欲散未散天之涯川原組練互環列炮聲驚
落包山花烏程梗稻失耕種霽谿菱芡難萌芽聖武
定送肅清喜大兵終恐凶年加安得和風與甘雨沛然
爲洗瘡痍

秀州詠事

亂後難爲政。吳興况賊居。炮聲喧月夜。蠶事廢春餘。屋
破人歸少。燒多草長疏。更憐海塘缺。斥鹵苦溪魚。

爲府卽官廨。樓高夏日寒。巍峩非我願。雕刻歎民殘。萬
井田廬陷。千山墓木刊。盤龍與騫鳳。留戒世人看。聽逆
陳炳

文政府署爲僞府前
後七重甲於江浙

歎息臨淮將。功成轉効忠。三吳方拓土。百戰竟藏弓。有
淚滄波綠。無情炮雨紅。他時聽擊鼓。武惠祀俱崇。提督
程學

啟攻嘉興既克受炮
傷薨於蘇州諡忠烈

已。禿南湖柳人。猶繫炮船一樓煙雨換。三塔水雲懸。新

復難忘。戰芳遊。懶問鞭。南巡典在。目應有。御碑傳。

覆巢燕歎

翩翩駕湖燕。五月入我屋。繞梁重定巢。似訴新巢覆。不
惜燕無巢。栖栖林木梢。所惜殘黎返。一椽風雨拋。傷哉
由拳城。四年爲賊踞。城中舊主人。天涯逐飛絮。今年官
兵來。二月追賊去。倉皇復城時。華屋一炬付。一炬燒不
盡。東西老兵住。老兵門內臥。主人門外覩。門外覩何爲。
依依情欲歸。滄桑存舊業。里巷問斜暉。那知軍斧利。不
爲主人計。長繩曳壞題。一掃東風碎。儒將豐功竹帛垂。

偏裨小節莫深追。禾城今日難言事。試問梁間燕便知。

題嚴緇生秋部詩集

緇生桐鄉人已未。庶常壬戌散館試政在順民。
賦通體掄揚末用女中堯舜分。拾閱卷者已擬
第一旋奉 懿旨駁抑重隸刑曹今年歸里從
申江集米數船助余粥餓出小夢椽詩集索題
作此

六月十日

昨夜東風徹夜吼。鴛湖似有潛蚪走。今日君攜詩卷來。
扁舟小檝駕湖柳。鴛湖兵火色蒼涼。千村萬落連饑荒。

君自吳淞冒炎暑。殷勤釀粟拯維桑。未讀君詩高君義。
豐玉何如荒穀貴。休訴蓬山小謫由。長年鬱鬱青雲氣。
賢豪活世卽陽春。勲業幾曾恃科第。况有琅玕滿腹羅。
揮霍雷電生江波。君詩自謂如俠客。怪劍直斫生蛟鼉。
我謂好義比俠多。還鄉好雨生嘉禾。黃童白叟飽君德。
萬家蔀屋騰歡歌。安得高樓築煙雨。論時撫事傾金螺。

午睡

薰風入軒角。吹我魂夢清。不聞人語喧。但聞簷鳥鳴。藤
枕倦欲懸。竹牀涼有情。百年閑日少。萬事浮雲輕。悠悠

乾坤大容我懶性成

銀漢曲

銀○漢○似○微○雲○垂○天○天○半○分○西○風○吹○不○散○長○夜○起○波○紋○斜○
挂○南○樓○角○樓○中○香○正○焚○征○人○羈○遠○道○思○婦○淚○紛○紛○

初秋涼夕

晚○庭○蝙蝠○飛○相○趁○還○相○遇○纖○月○下○西○牆○明○星○出○高○樹○登○
樓○溽○暑○收○天○角○層○雲○布○高○空○搖○電○光○涼○雨○知○何○處○

凋傲歎

昔○日○名○城○今○瓦○礫○青○青○蓬○蒿○助○寥○寂○驅○使○殘○黎○爲○滌○除○

夕陽舊巷纔堪覓。雨過依然遮道生。廢場响响來野雀。
嘉興如此已愁人。人道臨淮更慘神。烏飛兔走白骨冷。
范范千里紛煙榛。可憐白嶽黃山側。山山生柏子可摘。
殺掠無遺賊亦窮。餓踞荒城強吹笛。天生豺虎豈久長。
何事乾坤任鬆轆。卽如吾浙孝豐城。野豕渡河宵有聲。
么麼錯愕誤疑兵。紛然駭竄走荆棘。淒涼山徑不堪行。
吁嗟乎東南蕭瑟悵已矣。安集何年復其始。哀鴻嗷嗷
望君子。

六月十八日克復金陵紀事

髮賊洪秀全自道光三十年倡亂以來出

廣西竄兩湖三江并分擾及直隸山東等省咸
豐三年佔踞江南省城潛稱僞號十一年七月
龍馭上賓其時江浙郡縣半就淪陷遺詔
三條諳切以未能逃珍逆氛爲恨今上踐祚
奉兩宮垂簾聽政授會文正協辦大學士節
制四省軍務以一事權建議由上游分路勦辦
水陸并進迭克沿江城隘百餘處斬馘外援逆
匪數十萬人合圍江甯斷其接濟本年五月十
六日克復江甯僞天保城後賊衆防守益密五
月三十日李祥和等占取龍膊子六月初一日
李成典率吳宗國重開地道蕭孚泗等修築砲
臺肉薄相逼十六日黎明地道火發揭開城垣
二十餘丈李成典武明良衝倒口而入賊以火
藥傾盆燒我士卒大隊稍卻毓樞蕭孚泗手
刃數人由是勇弁無一退者武明良率隊登龍
廣山李祥和從太平門城攻入王遠和進攻
僞天府之北劉連捷由神策門地道之旁梯攻
而入羅逢元從聚寶門之西山地道闕口入李

金洲從通濟門入陳從猛奪旱西水西二門由
是全城各門俱破三更時偽天王府火起生擒
偽烈王陣斬偽王璽兩方金印一方訊知洪秀全
瑋王奪獲偽玉璽兩方金印一方訊知洪秀全
於五月服毒而死偽幼王洪福瑱重襲偽號城
破後積薪自焚李秀成匿於城外經蕭孚泗搜
出并獲洪仁達殺悍黨淨盡奏入七月初一
日奉 上諭曾國藩自咸豐三年在湖南首倡
團練創立舟師與塔齊布羅澤南等保全湘南
克復武漢等城肅清江南東征以來由宿松克
潛山太湖進駐祁門迭復徽州郡縣遂拔安慶
省城會國藩加恩賞太子少保銜錫封一等侯
爵會國藩加太子少保銜錫封一等伯爵李
成典錫封一等子爵蕭孚泗錫封一等男爵等
因欽此其餘文武給賞有差是日修告成禮壇
廟陵寢遣官祭告從前有功死事之臣分別賜
祭獎卹所獲逆首毋庸獻俘旋據閩督左查知
洪福瑱自金陵逃出由徽入浙入江奉命兜

拿于九月二十五日席寶田一軍於廣昌石城
荒谷中搜獲卽在江西正法蓋金陵克復後堵
逆黃文金等尚堅守湖州洪福瑱遂來依之至
七月廿七江浙諸軍合攻克之乃走廣德入甯
國山中蘇軍追至廣德浙軍由溇安昌化諸山
中追至江西及廣信肅清逆黨俱散席寶田遂
獲之石城已而江海洋走入甯
都州界鮑軍擊敗之乃竄閩境

堅○任○元○良○

紫○極○明○果○收○吳○楚○定○留○京○

十○年○宵○肝○深○

宮○雇○萬○里○江○淮○駭○浪○平○北○去○紅○旂○開○驛○路○南○來○組○甲○聽○

歸○耕○荷○花○仰○對○重○熙○日○玄○武○湖○邊○別○樣○榮○

軒○皇○夙○志○掃○蚩○尤○轉○痛○龍○髯○已○上○游○華○岳○放○牛○成○武○

烈○繡○裳○驅○虎○解○文○憂○雙○懸○日○月○璇○宮○朗○萬○古○馨○香○寶○

鼎淨壇廟寢陵兼岳嶺一時祭告走傳郵

咸豐有御製詩云侍臣

何必勒加餐夢寐爲懷民未安彌望蒼生登祗席何
來蠱賊亂衣冠萬年欲奠神禹鼎一日須新湯誥盤
嗟爾羣臣皆結舌空羣故事待金鑿
離中豈是妖氛氣力充守土居然皆走鹿斯民能不
賦哀鴻九重自揣勤思慮三載何曾奏膚
功凌閣至今猶漢代丹青何以繪諸公

奇謀火發地中雷神策門隨聚寶開要隘山川龍膊占

超騰士卒燕飛來窮猿逸檻枯株難妖鳥焚巢畫棟灰

奪獲僞王金玉印橫枚數馘醉瓊杯

進逼鍾山遂合圍神兵不藉外洋威紅雲擁陣機槍斂

赤日臨江羽扇揮斗野牛蹶朝北極龍盤虎踞復南畿

秦淮玉樹昏迷月此日團圓出霧霏

蘇杭克復參用洋兵惟金陵無之

仰賴蒼穹眷佑靈渠魁飲鴆服冥刑雨來蔣阜千軍爽

雲蔭倉山百雉青南服戎車忘六月西江壁壘摘妖星

脂膏不許污京土已免俘車送

闕廷

六月十二日我兵薄城賊以藥

桶擲下幾被延燒沉帥望空跪禱十三日營中得大雨而數里外皆晴十六日有陰雲自鍾山來涼風習習擁兵

登城

休笑金陵似紙糊封狼一紀負高嶠丙年吉向雄軍

庚歲和張班馬呼僅保蘇常終下策不清宣歙豈良謨

太公瑋玉周公斧留得元勳屬大儒賊以咸豐三年正月廿九日撲金陵

二月初十日被陷而隔江六合一縣知縣湖北溫紹
原守之至八年九月十八日始陷故江南人語云紙
糊南京城鐵打六合縣金陵既陷向忠武圖之至六
年夏蘇撫吉勇烈死于高濂七堯橋之大營繼潰向
忠武退丹陽卒朝命和春代之旋復高濂七年夏
復漂水向容八年春奪秣陵關仍逼金陵至十年閏
三月而大營又潰蘇常繼陷東南事棘時會文正以
侍郎奉命入川未果旋奉命授江督辦軍務

揆帥當年直諫臣三陳德弊奏

佩宸丹書啟篋酬

明主墨經還鄉起義民倡立舟師滄海兩勘除怯將棟

梁春丹心赤手艱難甚再造乾坤鐵石人

威豐元年文正上三德三

獎之疏頗激切因祁文端杜文正言上甚優容馬二
年奉諱還湖辦理團練勿提督鮑起豹而力薦塔忠武
有塔如債事并治臣罪之語是其
經濟之宏遠由其品學之剛強也

元年夏取秣陵關米賊先援金柱還困我官營幾二月
潛糾死黨漫千山血流帥面牙旗進火禿弁鬚鐵甲擐
苦戰堅持輸此舉成功轉爲憶辛難元年四月克太平
東梁山五月克秣陵關江心洲進逼金陵駐軍雨花
臺六月援賊來犯敗之閏八月僞忠王李秀成糾合
十三僞王號稱六十萬聚金陵之東逼我營壘洋槍
洋砲如飛蝗蔽空潛地道圖陷我營又負板蛇行
填濠欲上沈帥督軍禦敵受飛子傷頰血流交頤九
月僞侍王李世賢復自浙來援用箱篋實土排砌營
壕之外亦暗鑿地道嘉字吉後兩營地道轟發石飛
如雨賊奮擁入我兵決死殲之信字七營被圍亦夾
擊敗之斬悍黨萬人賊猶開地道不輟我挖隧而迎
之賊技窮我復連奪其營卡九月初五營圍乃解蓋
堅守力戰實四十餘日也

神雕盤折雁行高。珠樹同宣玉節勞。琳鼎南宮齊達适。
授民西鎬軼彤陶。三河碧血貞魂慰。季弟青年謚典褒。

國事可憐家事樣。荆花紅湧洞庭濤。

文正有弟四人長澄侯各國潢

居湘籌餉次溫甫名國華八年十月初十以同知隨李忠武攻廬州戰歿于三河鎮謚愍烈次卽沅帥季弟季洪名楨幹以同知隨攻金陵積勞成疾卒於軍謚靖毅

梅花海鵝渺凌波。水戰彭楊功最多。舊洗巴陵收象骨。

更清溢浦斬蛟鼉。汴洲有壘投鞭奪。東壩橫橋縱火摩。

陸路已窮川路斷。昇州鷓鴣獵入雲羅。

文正於咸豐三年叔立水師於湖南

有澄海定湘諸營謂似爲絕學于舉世不爲之日亦以長江旣失非此不能爲力也十年十月敗賊于南

陵拔難民十數萬十一月敗賊於都昌十一年八月
克復池州元年八月敗賊於繁昌之舊縣四月復太
平蕪湖遂奪金柱關東梁山五月奪江心洲蒲包洲
遂泊金陵之護城河九月敗賊於金柱關又敗之於
上泗渡遂奪花津青山象山采石磯十二月克三汊
河二年五月勦江浦賊于江中十二日克復下關草
鞋夾十四日攻燕子磯十五日奪九泖
洲由是長江一律肅清而金陵坐困矣

東○衝○西○折○鮑○家○軍○淨○掃○千○山○突○兀○雲○力○堵○包○抄○真○後○勁○
每○因○危○險○建○奇○勳○吳○山○楚○驛○頻○年○熟○朔○雪○炎○風○百○戰○勤○

巴○蜀○將○才○天○下○震○霆○雷○威○不○愧○春○聞○
提督鮑超字春霆命所部曰霆字營

雖未與圍金陵而東衝西折凡江皖豫楚之援賊逸
賊無不賴其過之追之蓋文正所倚以爲游軍也用
兵不拘於律法而所向無
前遇勁更勇厥功甚偉

粵將威高鐵甕秋。都軍驃騎鎮揚州。蘇常腹地淮師克。
吳越封圻楚廣遒。北路名王收雉集。西川少保落旄頭。

萬方送喜

天顏懌裂土分茅金券酌

二月僧王獲張

鎮江軍馮子才敗賊於句容四月駱文忠擒石達開

於松林河元年四月蘇撫李復柘林奉賢二城五月

收撫南匯克復川沙廳金山衛解松江圍七月克復

青浦縣九月克復嘉定十一月收復常熟昭文二年

三月克復太倉州四月克復崑山新陽六月克復吳

江震澤八月克復江陰十月廿四克復蘇州十一月

初二復無錫金匱三年正月廿四克復宜興荆溪遂

復溧陽鮑軍亦於三月復金壇四月初六復常州府

湘中高建五忠祠

江塔羅王李共悲

匡輔同心懸日月

死綏有厲祭旌旗臥龍躍馬千年史刻翠岵螭萬古碑

雪門詩草

卷七

七元初卷

十四

讀到再生中甫

詔九原應合泣

江離

五忠安徽巡撫

督塔忠武甯紹台道加布政司羅忠節記名道加內閣學士王壯武贈總督街浙江布政使司李忠武也
江忠烈殉難于廬州塔忠武勞歿於九江羅忠節陣
亡於武昌王壯武勞歿於江西至李忠武咸豐八年
十月陣亡于廬州之三河也奏入硃批云詳覽奏
牘不覺隕涕惜我良將不克令終尚冀其忠靈不昧
他年生申甫以佐朕也

南北摧殘六百城。蠕蠕糜爛幾蒼生。青箱煙化羣儒籍。
白骨春迷萬里耕。繡裯婦孺空杼柚。關譏塵市困東征。
四民此日歡加額。張角妖書滅太平。
老巢犁蕩只游魂。密箐深林毒霧昏。誓爲羣黎銷積憤。

背令苞葉活殘根。追狐涉水徒枉渡。殪虎搜山萬馬奔。
指日滇疆秦塞定。堂堂白日照乾坤。

杭州克復我情傷。茲復金陵卻喜狂。目擊滄桑憐戰苦。
耳聞鏡唱命詩忙。游踪何日橫塘槩。鄉路從今一葦杭。
羨煞儀徵劉伯子。榆揚勲德集全唐。
儀徵劉毓崧字伯山集全唐文以記

文正
勲德

禾城高眺

時湖州七月二十七日克復

園林不必弔金陀。買酒登樓且嘯歌。海國秋高紅日迤。
江城雨霽綠霞多。千條溪水歸黃歇。一舸煙雲憶越娥。

怪道桂花香驛路。吳興昨有捷書過。
殘民從此好歸農。吳越烽煙萬里空。練瀆戰船歌晚月。
玉溪輦路挂朝虹。中興佐命推吾楚。綏履豐年卜海東。
地擅蠶桑還近盪。萬年樂利綺羅叢。

禾中秋夜

停杯送晚霞。回首見明月。秋氣何沈寥。疏星帶城闕。天
高鼓角揚。萬里浮雲沒。曠覽豁羈愁。清賞愜詩骨。南湖
水夜明。朗皎龍窟。樓閣縱烽烟。何山自吳越。東南戰
欲休。遠市歌聲發。

嘉興石蓮舫 小玉 孝廉亂後歸自上洋作鴛湖櫂

歌百章索題

天遣南湖靖容君作櫂歌。鶯花經亂定。煙雨入愁多。浮
海身還在。凌雲氣不磨。中興碑好撰。舊恨付滄波。

不寐

五○更○長○不○寐○知○已○近○衰○年○。饑○鼠○殘○燈○外○。驚○鴉○遠○樹○邊○。新
愁○添○白○髮○。舊○夢○杳○青○煙○。幼○僕○呼○難○起○。東○方○已○白○天○。

攬鏡

已經驚白髮。况乃見刀瘢。故我應能識。餘生未許閑。功

雪門詩草

卷七

上元初集

六

名。思。戰。伐。形。影。對。關。山。天。地。余。身。渺。休。慙。萬。古。顏。

送甯鄉許石峯抱骨歸里

石峯名祖麟父承岳號柱山咸豐十一年冬爲
湖州烏程令杭州既陷全浙淪沒湖以孤城抗
賊趙紳竹生嚙使之力居多至元年五月初二
城中食盡饑卒潛納賊竹生被賊相持去逾年
致命於蘇湖守瑞春甯州人闔室自焚柱山聞
城陷自刃幼女與其妾錢氏均縊死義民殲而
藏之署後叢莽中同治二年石峯奔浙恪靖伯

留之營中三年二月蘇兵復嘉興浙兵復杭州
八月廿七遂復湖州石峯隨蔣香泉方伯入城
得父櫬啟和密視貌如生乃易衾加槨抱之歸
湘官紳來弔者均泣下悲柱山之死又感石峯
之能得其親骨也石峯將行詢父生平於余蓋
士大夫遠宦其生平履歷往往子弟不知而友
朋能知爰爲述其顛末俾得爲家傳之資更陪
以詩

孤忠宜有後。至孝果尋親。叢莽遮遺骨。滄桑問義民。淚

零三楚雨哀動五湖春天地干戈擾完人究幾人

述懷詩示程少梅

瑞生

孝廉

四月我來由奉城鴛鴦湖尚戰船橫六月金陵馳捷奏
東南大局轉承平八月吳興掃殘寇三年薄伐全浙清
與君共慶上元會貰酒同對秋荷傾可惜荷花慙蹂躪
搖紅翻白無多榮篙師鉤摘青蓮子剖食風露牙吻生
是日船中爲君醉羅衫一洗征塵輕九月江西獲幼逆
將相崇封晉侯伯我承凋敝撫殘黎刻章濫列承恩
澤君買菊花爲我賀似憐晚節香堪惜那知宦海十五

年烽烟來往乾坤窄。此身已似月桂傷。此官幸解黃楊
厄。日後榮華詎可期。目前景運難虛擲。聊把文章質土
林。更除害馬培民脉。公餘嘯傲滄江雲。一點初心表清
白。前月深宮下紫綸。特將盈滿戒勳臣。曾侯李伯今
柱石。赤手挽住銀河淪。金陵既復大功告。虎尾春冰還
重申。唐虞吁咈今更見。而我際此居何人。與君相期爲
君勉。請迴煙雨萬家春。

錢江看潮書感

白日忽西下。滄江自東流。東流遇潮轉。復打西興洲。銀

山玉壘頃刻起，搖震錢江之高樓。晚風悠悠越天碧，明月正照龕山秋。蘆花不管伍胥憤，紅葉那知文種愁。干戈擾擾陵谷變，舊恨且付沙中鷗。看潮看月弄扁舟，天遣中興慰白頭。低徊十有五年事，海上浮雲一抹收。

送左恪靖伯督師入閩

恪靖既定全浙，朝廷方資其撫綏。不欲其赴閩，督任值髮逆餘股由江擾粵。從大埔踰山竄閩南之龍巖漳州陷之廉訪張忠毅禦賊陣亡。恪靖得報馳奏，自請入閩。思閩無勁旅，恐省城

震動乃檄提督高連陞由甬口乘輪船以達福州爲根本計時江西席觀蒼軍擒幼逆洪福瑱朝廷以大功垂成晉一等伯公銳意討賊表辭不受優詔愈加其奏請入閩也云逆賊入閩之害滅於入粵能於閩中了之未始非不幸之幸促新中丞馬赴浙撫任得旨仍令兼顧浙於十月廿八日啟節錢江瑤赴省送行諄諄相戒勉以平賊自任以守身瑤其期望切矣憶瑤自仕浙以來歷更當軸雖頻獲獎叙究其

間不過循例相許耳逮遭逢淪陷瀕死得生累
創泛海輾轉達營於元年七月謁恪靖於衢州
潭石汪之江岸自分失城溺職縱能以受傷援
例可冀免罪亦應鑄職歸矣乃恪靖訪詢浙民
知瑤在官無惡劣狀遂特奏瑤 厯任均著賢聲
請留營幫辦營務旋以克復金華龍湯蘭谿與
戰有功請復原銜又以查辦諸暨土匪并復原
官越郡初復法夷以會復功索銀十萬於紹紳
紹紳之劣者擅許之而無以酬乃變購賊遺物

仍不足將圻民房以濟之其勢橫甚四月恪靖

檄

瑞赴紹

瑞

多方緩之仍籌給其所索紹民以

安秋末大軍攻杭乏粟

瑞

爲籌米五萬石以濟

之三年二月蘇兵復嘉興我兵亦復杭州時湖
逆負固浙西未遽解嚴嘉屬向多槍船皆無賴
聚博所平時爲盜抗官賊至助賊克復又詭爲
先驅恪靖恐遺後日患欲乘兵威除之乃檄余
募勇守嘉至則擒其魁戮七八十人收鎗砲千
餘桿時杭河蘇河游兵肆掠惟嘉郡七屬晏如

也九月特保浙守政績卓著者三人

瑞光

與焉

奉

旨以廉幹樸勤輿情愛戴相褒獎嘉郡士

民亦頗頌余德不知恪靖若不與

瑞

以兵權又

與以生殺權則巨憝殊難創治也未吏之能措

施皆由知遇所致故

朝廷能信疆吏則天下

治疆吏能信守令則一方治理固然也恪靖既

揚余於

廷又時贊余於僚屬前同僚頗如造

龜語相傾軋而恪靖不信也嘗謂國於天地必

有與立進賢蒙上賞行吾是非之心而已余自

入營幕今更三年矣依倚復官憑藉杼橐亦尋常事耳難其一見如故遇謗不疑有非他人所能及者本年重陽恪靖禮謁大士於天竺夜宿靈隱寺僧出冷泉亭舊聯語泉自幾時冷起峯從何處飛來公謂聯語義未說竟乃別撰付之云在山本清泉自源頭冷起入世皆幻峯從天外飛來至是送行述以告余曰余以孝廉受特知今得專征伐非朝廷破格不至如此真天外飛來也余家寒素幼卽以耿介自持此源頭

冷起也凡人當立身以聽遭逢不自潔而圖詭

遇吾輩恥之臨別贈言依依情摯騷慕恪靖之

勲又感其德佩其教於其行也敬撰四什並誌

其受知顛末覽此詩者應見古道之猶存也乎

秋風方報淞江清又爲巖疆自請行帝念湖山留潤

澤公期寰宇共昇平銅船泛海神兵速玉節籌邊萬馬

鳴敢道東南奠磐石忍教餘孽尚生成

小春江上綻梅花路擁殘黎競嗅靴威望迢迢驚島國

香煙冉冉過仙霞星廬草檝朝興早霜帳啣杯夜不譁

五等崇封復何媿，卻辭成命繳黃麻。

繡裳零雨已辛勞，兼願仍邀。

紫誥褒愛日，東迴滄海。

暖。卿。雲。南。望。武。夷。高。五。年。秋。校。思。牙。濼。萬。里。軍。書。促。寶。刀。欲。籍。偏。隅。了。全。局。重。洋。那。放。水。仙。逃。

橐筆深邀願盼青，臨行特爲表。

王庭自因直道存，與

論轉恐虛聲累。典型金鑑長懸湘水月，珠杓已轉上台星。他年擬撰平吳頌，聊把文章報德馨。

握算篇

頻年用武待餉孔殷，迂儒計掘言利者豪。讀平

準書坐高大名進鹽鐵論竟垂千古有道之時不能盡退此輩周官以玉府列太宰下其此意乎本年二月御史王道懋清仕途一疏云市井之徒一旦握象遂以爲商之法爲官語亦激矣然此爲納粟登朝者發非爲握算持籌者說也策名清時與羣賢并可憐懷抱會計當而已矣感賦此篇理財固不能無術耳

栢星既煥采。天錢乃耀明。文昌與奎壁。不敢鬪光晶。豈伊典墳賤。緣茲時勢更。千軍待犒賞。弦高坐成名。五湖

罷○相○位○陶○朱○仍○利○爭○尚○父○韜○鈴○佐○周○室○九○府○之○法○何○崢
嶸○千○古○強○兵○與○富○國○市○僧○豪○俠○同○縱○橫○勸○君○歸○家○焚○棄
經○與○史○但○讀○牧○民○乘○馬○之○管○子○干○戈○未○定○府○庫○貧○握○算
持○籌○致○青○紫○

因事赴杭夜凍行舟

風○緊○杭○河○凍○扁○舟○尚○夜○行○琤○琤○驚○夢○醒○榜○觸○碎○水○聲○清
脆○宜○詩○句○飄○搖○記○客○程○寒○宵○長○更○好○懶○復○問○雞○鳴○

石門舟夜

霜○天○夜○行○役○愧○此○明○月○閑○廢○壘○雙○橋○外○孤○舟○萬○葦○間○天

垂杉開遠水到玉谿灣明日南湖路梅花解客顏

書事

去年越州居殘書東浦市今年秀州居城空無片紙殘
書已難收無書更何求惟尋古碑石遍訪破廟幽瞥見
孝經刻塵蠹奎星樓兩浙文章府付與東海流干戈初
定須教化休道軍書少閑暇君不見今日湘陰少保馬
初下命工梓經梨長價又不見湘鄉相國六月收南京
偃武修文歌鹿鳴江南桂樹欣冬榮

江南於十一月鄉試與試
者萬人詩題爲桂樹冬榮

時恪靖伯刻五經
於浙會文正奏舉

夜宿王江涇

乾隆

御詩云惟有王涇一彎月入波猶自學吳鈞

當年泊御舟。明月學吳鈞。今夜月如舊。空江非盛游。
寒蘆依廢壘。敗瓦臥深溝。俯仰五朝事。蒼煙結晚愁。

見夜燒誌慨

江岸無人家。處處黃蘆草。霜晴夜火焚。煙與青空裊。連
年戰骨多。火烈幽魂杳。大劫洗乾坤。中興日月皎。巍我
諸將相。勲業紫光表。海角死綬忠。愁雲長擾擾。

西水驛謁大府夜歸作

外職崇疆吏。嘉禾遍水郵。送迎遵國制。將就當清游。

燈火南湖月旌旂北部洲不須愁忍凍昨客贈貂裘

舟行夜歸書感

水驛燈光紅倒水懸銀竹扁舟三更歸搖動燈光蹙官
渡暗馬嘶江岸人聲肅輕霜撲面來譙樓角聲促中興
運會走英豪奔馳休笑羈微祿將宿沙場相聽雞始悟
宵征非我獨

補梅作

人望梅開早我喜梅開遲開遲醞釀深且復留春期秀
州官廨前梅花千萬枝香心動衙鼓清洗塵吏姿四年

閱兵火官廨改爲府。巍峩雲棟高。樹斫千年古。海山頌
刻童。老梅更誰主。可憐冰雪花。付與樵爨斧。天心眷中
興。太和轉寶宇。明月出南湖。我來將梅補。蒿黃草白叢。
瓦礫錯落紅。淞江市奇種。不與凡枝同。盤屈綴初蕊。明
珠有無中。灌溉消殘臘。榮華待東風。舉盞祝梅壽。與國
同始終。

送蔣蓮谿珍石蓮舫中玉孝廉入都

吳越連年擾。春闈赴試稀。君今携藁筆。世喜定戎衣。東
海狂鯨翦。長河雙雁飛。豐臺多紫芍。應摘幾枝歸。

我○校○鴛○湖○士○類○煩○甲○乙○商○扶○衰○宜○禮○樂○報○國○共○文○章○消
息○知○紅○杏○栽○培○問○綠○楊○樓○如○煙○雨○築○秋○日○爲○傳○觴○

冬日

冬○日○何○太○速○須○臾○麗○中○天○陽○和○斂○霜○去○照○我○南○牕○前○琴
書○少○客○至○寂○寂○梅○花○妍○寒○空○碧○雲○浮○萬○里○何○蕭○然○午○雞
一○聲○破○海○曲○生○微○煙○此○中○有○道○筦○福○地○成○長○年○

中年

人○近○中○年○愁○我○近○中○年○樂○讀○書○悟○根○柢○頗○悔○章○句○薄○處
事○悟○貞○幹○頗○悔○詭○隨○弱○身○與○歲○月○長○心○與○歲○月○拓○况○茲

瀛海清。幸脫風波惡。世途任所遭。崎嶇愈寬綽。邇來性
更閑。活潑一無著。花前生意多。酒後雅量酌。一生比一
年。是今已非昨。早年如春蒙。晚年如秋廓。茫茫塵網中。
欲語問誰諾。

度歲

宦游無家室。繁冗卻寂寥。吟詩度瘦年。應被梅花嘲。曉
起開廉櫳。東風來。條條細雨不成雪。潤物迴枯凋。淑氣
彌海國。坐待春光驕。

琉球貢使過境偶紀

琉球遠隔重洋曾卻其貢旋以不貢則年穀不登故受之因兵路阻停貢數年茲補貢也貢使迨途不見客然與華人談必稱天朝方物有金銀罐各一金銀鞘刀各二金銀粉盒各一金鶴形一金攢盒一黑漆龍椀圍盤各三十餘則赤銅白銅錫夏布蕉布花布花綢金彩屏圍屏紙護壽紙繭紙摺扇各數事

閩海無波浙海通琉球品貢萬方同外交謝客陪臣謹內域稱天禮數崇黑漆椀盤輸土物黃金罐盒表堅衷

非關象譯誇鞞縻自就 重華舜日紅。

論詩

淇澳磋磨悟道深。鳶飛魚躍見天心。扶疏衆鳥柴桑後。水競雲遲是嗣音。

九齡和婉子昂愁。感遇同源卻異流。讀到欣欣似生意。憐他搖落歲華秋。

山光潭影不妨禪。必悟從禪卻不然。風雅離騷秦漢上。此時何處證西天。

舒卷飄飄似白雲。仙心不爲酒杯醺。邀來月影成三友。

雪門詩草

卷七

上元初集

七

反覆推敲獨字勤

詩到無人愛處工。劍南能說未能從。纖纖玉楮於今貴。

誰肯千金購璧琮。

數蕊香新早梅動。一梢紅破海棠回。須知楹帖非詩句。

若論花原隔歲開。

誰將語錄當詩吟。誰更華嚴度世針。理障禪魔賢智過。

恐乖刪訂素王心。

金啼玉泣句傷情。白日無根少樂聲。能解天波成曠達。

不須更擬短歌行。

律體難伸委曲思。短長太襍費猜疑。樊籠雖謝仍規矩。
自是雲霄采鳳儀。

劉鑄造物古今同。畢竟雕龍勝刻蟲。鑿句搜章勤梓斲。
樓臺何日起凌風。

強顏飾笑喪天真。無病呻吟更聒人。只寫怒哀刪喜樂。
千年冰雪不逢春。

文章流入應酬卑。祝壽題圖宴集詩。靡草纖萍隨意綠。
生涯難問歲寒時。

窮居陋巷羨金閨。比到金閨又羨歸。廊廟山林無一可。

何如素位儘忘機

但○矜○氣○骨○無○風○韻○兀○兀○枯○松○縮○斷○藤○鐵○幹○冰○心○仍○活○艷○
梅○花○度○世○有○元○燈○
烏○雲○烘○日○變○蒼○霞○寒○雨○因○風○作○六○花○麥○粟○醅○春○絲○練○錦○
不○知○醞○釀○豈○詩○家○

天○高○星○月○自○分○明○一○隔○層○雲○障○翳○生○故○作○艱○深○仍○淺○薄○
何○如○表○表○玉○霄○清○

事○紀○當○時○質○直○宜○多○加○塗○澤○後○誰○知○一○枝○紅○杏○尚○書○筆○
札○闔○洪○庥○世○已○訛○

千枝弱柳平分綠。萬樹疎梅冷抱春。但論生機無定格。
橫斜旖旎各宜人。

早春百舌晚春鷓。感氣花前自在啼。日課一詩鑄肺腑。
可能句句出天倪。

不要時譽不求奇。夢筆生花只自知。誰識孤吟滋味永。
蒼茫獨立是吾師。

老樹艱難十載功。名花珍惜隔年紅。無輕成就無輕棄。
詩可隨刪斷不工。

紫鳳天吳入北征。艱難家國狀平生。今人錄別惟凌襍。

老媪挑燈話舊情

一篇毛穎近優俳。山斗文章例稍乖。白髮梅村哀艷極。
蟬猴鰲鶴直齊諧。

只要搖鞭有到時。倉山此句學人師。古今德業文章事。

都是爲山一簣思。

兩朝忠質變睢麟。六代煙花卷漢秦。風會已開山海鑿。

難將古法糾今人。

立根深厚花前悟。雅量寬容酒後知。飲酒看花瞻德性。

何須理語費深詞。

下界人聞上界鐘。前山雲藉後山風。詩中韻致言難喻。半在形骸半在空。

粗知音韻負詩豪。稍解雌黃競貶褒。誤盡白頭驕吝字。難成屋柱是蓬蒿。

清奇濃淡各分科。不問來源問去波。詩海茫茫登岸少。世間萬事半途多。

意貴纏綿不貴詞。芬菲悱惻繫人思。客來蛇紫嬌紅隊。終采幽蘭一兩枝。

鶯花雪月萬年同。已被前人刻畫窮。祇有遭逢今古異。

波○瀾○滄○海○起○東○風○

丁未集

蘸○筆○銀○河○星○斗○搖○探○花○瓊○島○衆○仙○朝○波○濤○雖○沸○舟○仍○進○
定○向○休○爲○衆○口○消○